

Hifa-Oil postala ovlašteni distributer LONGI Ltd panela

Izvor:Akta.ba



Kompanija Hifa-Oil d.o.o. Tešanj potpisala je ugovor o ekskluzivnom zastupništvu sa kompanijom LONGI Ltd. Xi'an, Shaanxi, China o distribuciji LONGI solarnih panela za Europu. Ovim je kompanija Hifa-Oil postala ovlašteni distributer LONGI Ltd panela.

"Sektor Euro Solar u okviru kompanije Hifa-Oil, kao lider u distribuciji opreme za izgradnju fotonaponskih elektrana, ima potpisane ugovore o poslovno-tehničkoj saradnji sa kompanijama koje imaju dugogodišnje iskustvo u projektovanju, izgradnji i održavanju fotonaponskih elektrana. Na osnovu spomenutih saradnji Euro Solar svojim klijentima nudi kompletnu uslugu "KLJUČ U RUKU" po pitanju izgradnje fotonaponskih elektrana. To su kompanije VALTER ELEKTRO d.o.o. Sarajevo i EXCELLENT d.o.o. Sarajevo koje iza sebe imaju 30-godišnje iskustvo u segmentu elektroenergetike, kako u BiH tako i regionu", navedeno je iz kompanije Hifa-Oil.

Vidljivo je da domaće kompanije mogu da naprave velike iskorake u bilo kojem segmentu privrede Bosne i Hercegovine.

"Sve veći broj investitora se odlučuje za izgradnju fotonaponskih elektrana na svojim objektima jer to danas predstavlja veliku investiciju. Također, veliki broj investitora se odlučuje za izgradnju fotonaponskih elektrana kao vid profita od prodaje električne energije ili kao vid zarade gdje se iz vlastitog izvora proizvodi električna energija i troši za vlastite potrebe kroz minimalno 25 godina, umjesto kupovine iste od strane Elektroprivrede za isti vremenski period. Periodi otplate ovakvih investicija su 5 – 7 godina", rekli su.

Kompanija LONGI se odlučila na potpisivanje ugovora sa kompanijom Hifa-Oil i pokretanje novog sektora u sklopu Hifa-Oil d.o.o. u julu 2021. godine. Strategija LONGI Ltd. jeste da imaju pouzdanog partnera na području Europe koji posjeduje kako velika skladišta za opremu za solarne elektrane, tako i finansijski stabilnu i odgovornu kompaniju.

"LONGI fotonaponski paneli su se pokazali kao izuzetno kvalitetna i među top 5 svjetskih kompanija proizvođača fotonaponskih panela sa velikim stepenom efikasnosti kao i vijekom trajanja. Garancija LONGI fotonaponskih panela je 25 godina na efikanost panela i 12 godina na proizvod fotonaponskog panela", pojasnili su iz Hifa-Oila.

